


縣城圖

第六
 屹屹崇墉我民所衛
 隋築無徵元修斯貴
 述縣城圖


涇陽縣志

卷四

縣城圖



涇陽縣志
 卷四 縣城圖
 城土築元以前無考至正二十七年張思道令右丞魏文佐高三丈五尺池深七尺東西一里二百四十步南北一里四十步周圍三里二十步明景泰元年知縣曾玉重修建東西二門東曰宣文西曰寧武成化間巡撫右都御史余子俊增闢南北二門南曰臨川北曰拱辰嘉靖二十六年增東西郭崇貞四年城圯知縣梁士淳重修八年知縣王瑄增修北門甕城
 本朝康熙九年知縣王際有重修南門城樓及竊舖乾隆九年知縣唐秉剛因四門城樓漸就傾頽重修以資防護二十八年知縣鄂奏明重修前縣羅崇德承辦是年正月興工次年七月工竣身高二丈八尺週圍九百七十三丈三尺九寸計五里四分二步七分城頂折厚一丈一尺底折厚一丈九尺五寸磚堞高四尺一寸厚一尺六寸城樓四座五櫺四椽兩簷鳳翅四門上城坡路各設



欄城外池濠週圍長一千二十一丈四尺計五里六分二十六步四尺深七尺至一丈五尺寬四丈

城隍廟在安德街北大門前木牌樓三間東西木牌樓各三間大門五間二門樂樓三間東西椽房各一間鐘鼓樓二間兩廡司房十八間獻殿五間大殿五間殿後東西兩司川廊厦房各三間二殿五間寢殿五間梳粧樓三間乾隆三十九年前縣方承保督同紳士重修道光十八年春不戒于火署知縣周應祖勸捐重修集金四萬有奇至二十一年十月工始竣知縣胡元煥聯云肯塗肯福涇統四十四里芸生成欽赫濯美魚美輪受神靈以資呵護捍災禦患合八百八村禱戶共沐慈祥并有碑記魁星樓在東南城上知縣王際有重修聯云仰斗天重象樓峙百士夢花窓開四面收山河盡入胸懷鐘樓在惠恩寺前明崇貞十二年知縣高去奢重修

涇陽縣志

卷四

縣城圖



國朝道光十五年典史姜榮倡諭勸捐重修

四明樓在東察院大街左道光十八年樓圯二十一年邑紳劉連捷捐銀三千兩重修

衙署圖

公解修廢古以觀政勿云傳舍而可姑旌述衙署圖


第四卷



涇陽縣志

卷四

衙署圖

衙署圖





涇陽縣志

卷四

衙署圖

縣治在南門大街元以前無考縣令王琚重修明宏治間知縣宋鑑重修嘉靖間知縣屈諫起大門爲重樓崇貞間知縣高去奢以陰陽家言稍抑焉乾隆七年前縣唐秉剛捐修儀門及兩耳房九間大堂五間前連抱厦房五間東西科房二十四間儀門內偏東寅賓館三間大堂東堂房四間西庫房三間宅門一間二堂五間前連小抱厦三間又東西各三間堂東西門房各二間三堂五間東連安架房二間堂東西廂房各三間東書房三間西書房三間東廚房三間西箭亭三間乾隆十六年暨三十九年間前縣孟致接任方承保兩經詳請借廉重修後署知縣朱勳捐修三堂十二間道光二十年知縣胡元煥自儀門以及二堂拆卸重修大堂地基墳高八尺移前二丈七尺東西分爲三院繚以重垣于渠畔添設闌干東南角築臺建亭以培文風自爲碑記曰涇邑由南街迤

邇而東百餘武爲縣署其創制不載於志自元以來重修凡五見或增或損或用堪輿家言稍易其高卑考元學士蕭欒記畦蔬沼蓮列植雜木欲訪其景物而故址已不可復覩矣庚子六月余由藍田調茲邑入署則傾圮者頽而墨者妨帽而礙眉者其勢幾不可一日居急思所以修葺之客有揖余而言者曰斯邑政務殷繁日無暇晷前之人因陋就簡其亦可已而已者乎余曰署之有聽事固朝夕與民相見者也若書室若旁舍所以朝聽政而夕修令者皆於是乎在長民而岌岌乎有壓覆之懼政奚由成客又曰公甫下車卽建修渠之議督率悉由躬親復繼以斯役何不自憚煩耶余曰斲手足之力而貽時事之憂余弗忍也於是藝捐募役改絃更張前後堂十五楹高廣皆益四尺重公廨也正屋而外爲院宇者七各有關鍵示修整也東爲延賓館環以清涼竹卉顏曰小

涇陽縣志

卷四

衙署圖

三

輞川誌舊遊也仍以其隙地爲果蔬棗梨之場可材可薪可烹可茹復古蹟也工興於庚子九月越一歲而落成適龍洞渠工亦告竣余因進客而酌以觴曰灌溉有資民生以裕聽斷有地民氣以恬戶多蓋藏庭無雀鼠余於涇之民日夕冀之而刻刻不能自己者也勞勩云乎哉客唯唯而退余因總其顛末以爲記又崇臺鐘銘曰粵稽三輔膏腴九變鍾毓辟靡綿壽考之澤鄭白開衣食之原茂矩隆規夙乎尙已然而廢興有數沿革從心時惟上章困敦且月旣望予承乏茲土下車後問俗觀風而見農思膏黍士嚙牽蘿兼以聽事欹斜屋簷傾圮欲鳩工而集事輸鶴俸以倡先於是校葺瀛洲拜庚有地泉疏珠洞呼癸無聞至室者觀德武城敦詩說禮服疇者無干文網草面洗心值蒲牢之告成摛蕪詞而誌事銘曰文宏漢京田惟上等鮒活海波鵬搏滄溟假此晨鳴發人猛

醒鼓鍾嗣響鈺鼙息聲吾願吾民仁壽同登秩崇鼎食庾億倉盈
縣署大門磚臺重樓之上有巨鐘在焉余登樓摩撫見為惠果
寺故物明萬歷二年所製微論壞損不可用也而置之失所亟
宜改而張之爰捐俸五十金命鐵工重鑄三月二十七日告成
懸諸樓右仍將廢鐘還寺庶不至貽後人誚平又跋

附記知縣王際有大堂聯云

成富已非昔日財虛力竭猶然號
日繁華居斯地者能不其難其極

衝疲無若今時東往西來每至艱

於應接牧是民者宜思克儉克勤知縣王道行大堂額云

東廳額云

槐陰
結緣

又云

與物
為春

知縣秦梅東廳聯云

庭敞瀛洲名賢
接席池通珠洞

嘉樹

二堂聯云

土沃不教耕鑿
賦繁常履貨難

知縣胡元煥大堂聯云

棟宇
煥新

模器惟新治亟更新豈教弟安肅新令授新奮慎始圖終恪守

新民藝訓堂基
恢舊制政由舊人亦求舊徵文考獻循舊章食

舊德黜華崇實

二堂聯云

執三尺平情捫此心自勵能如白水
依然舊日淳風法五聲聽政治以耳敢云無負蒼生

縣丞署在縣治東乾隆四十二年九月巡撫畢奏准將縣丞移駐

涇陽縣志

卷四

衙署圖

治峪鎮奉文將舊署佔變於治峪鎮另買民房建署

典史署在縣署東南乾隆三十六年五月典史王祜年詳請重修

道光十六年典史蔡天錫詳請重修並請撥署後地以建房

主簿公署舊在縣堂之西今主簿裁署廢

縣治西舊有申明亭旌善亭今俱廢

縣舊有監獄一所在署大門內西首內東安架房三間西又三間

北獄神廟三間外監南安架房四間總門內二門外女監一間

雍正七年設水利通判水利廳署駐劉王橋鎮在縣西北五十里

計大門三間科房八間二門三間大堂三間宅門一間二堂五間

東西廂房各三間上房二間東書房七間二堂西房二間大堂西

馬房三間廚房三間乾隆三十五年通判張裕穀詳請重修今廢

西察院在縣治西故元屯田總管府故明按察分司也

東察院在縣治東五十步許故明布政分司

北察院在惠果寺西與城隍廟鄰乃故廣盈倉嘉靖間鍾岱改修者皆廢

南司在縣治街南與縣左直乃道府公署明末時廢爲馬廐

水司在洪口古洪門監也故有水利僉事一員駐節督水中門外東府衙西縣衙則管水府同知及縣主簿治今廢

陰陽學在縣治後偏東北向醫學在陰陽學左今皆廢

僧會司在惠果寺內

道會司在北極宮內

學宮圖

湯湯泗水豐鎬所交鼓鐘流韻佇起英髦述學宮圖

第八



涇陽縣志


卷四

學宮圖

學宮圖

四





涇陽縣志

卷四

學宮圖

文廟在儒學前面城明嘉靖間地震城北知縣鍾岱拓其前重修之爲半規狀萬歷四年知縣傅好禮又鑿其南傍城處爲池引泮水環而注之崇貞五年知縣梁士淳重修

本朝順治五年知縣張應召重修康熙年間知縣章裕訓導安其位重修雍正十二年知縣張成德率闔邑紳衿耆庶重加修葺計戟門鞍架房十二間櫺星門牌樓一座泮池週圍長一十四丈石欄砌護照壁五間東西兩邊角門二閣大成殿七間兩廡椽房二十八間乾隆二十九年知縣張炳鯤督同紳士重修崇聖祠舊名啟盛祠教諭鞏我聞建修康熙戊子署縣事張晟重修雍正七年奉

旨改爲崇聖祠十二年前縣張成德重加修葺名宦祠在櫺星門內東廡

鄉賢祠在櫺星門內西廡

附知縣王際有聯云

西方曾有美人東家繼以至聖千萬載教化
流行辟雍鐘鼓依然文武成康之地生前
環未到沒後俎豆常新百二重關河
護擁草戎鉄駟盡是詩書禮樂之鄉

文昌廟在儒學南

忠孝祠雍正六年奉

旨建造在學宮前

節義祠雍正六年奉

旨建造在城隍廟東偏

澤陽縣志

卷四

學宮圖

瀛洲書院圖


瀛洲草綠濛濛春煙譽髦斯士風雨皆仙述瀛洲書院圖第九


涇陽縣志

卷四

瀛洲書院圖

瀛洲書院圖





涇陽縣志

卷四

瀛洲書院圖

瀛洲書院在學宮西基地前左正院長二十四丈寬五丈後右偏

院長一十九丈五尺前寬六丈三尺後寬六丈正大門外照壁一

座大門三間東西角門各一間東西川廊各二間二門三間東西

川廊各十間講堂三間講堂東邊厦房二間正中照壁後鞍架門

房一間後右照壁門一間東西川廊各二間庭一東邊厦房四間

西邊厦房七間東西週圍俱有牆界知縣唐秉剛捐俸率闔邑紳

衿勸輸創建存銀四百兩交典生息又入官房屋並東西兩月城

地租及三十一膏火銀一千六百十七兩發典收息以上每年通共收租息銀三

百四十六兩三錢按季徵收支給在院師生修金膏火之費年底

具報冊朱衣樓在城東南偶乾隆十二年前縣唐秉剛捐俸率闔邑紳衿

創建